

Marquardi à Polenhaim memoriam celebravit *Altmannus* Episcopus Passaviensis in litteris Monasterio Garstensi Anno 1087. & 1092. de decimis in *Furth* datis, (b) ubi pari modo primum locum obtinuit, hic enim ibi ordo servatus est.

Weickhardus de Polenhaim.

Cunradus de Styra.

Adalramus de Perge.

Rügerus de Grienbach.

Theodoricus sive Diethericus de Polenhaim in documento quodam, ab Ottocaro Marchione Styriæ Anno 1108. Clauastro Garstensi celebris in Austriâ superiori nominis, dato, tertium locum inter testes occupavit, & reliquos plus minus quadraginta post se reliquit. (c) Albero de Polenhaim in literis ejusdem Monasterii Garstensis citatus reperitur Anno 1120. (d) Henrici Polheimii in Seiffenburg eodem temporis tractû celebre nomen fuit, de quo monumenta Garstensia hæc referunt: *Ottocarus Marchio Styriæ infendat bonis in Seiffenburg Henricum nobilem Virum, & Ministerialem suum de Polenhaim, quæ olim Pater ejus Dominus Weickhardus possederat, Anno 1126.* (e) Gumboldi à Polenhaim memoriam conservarunt literæ sæpius allegati Monasterii Garstensis Anno 1150. datæ, in quibus

Adalbertus de Perge.

Cholo de Ursenberg.

Gothschalck de Hunsberg.

Walckhun - - -

Gumboldus de Polenhaim.

& alii plures in testimonium vocantur. (f) Albero à Polenhaim in tabulis Ottocari [qui nominatur ibi Dominus Regni Bohemiæ, Dux Austriæ] Cremifanensi Cœnobio datis vectigaliumquè immunitatem concernentibus, testis adducitur Anno 1255. (g) Conradus à Polenhaim literas donationis à Cognato suo Episcopo Chiemseensi Dynasta de Eberstorff - - Commendæ Ordinis Teutonici, quæ Viennæ est Anno 1291. factæ, subscripsit. (h) Albero & Weickardus Polheimii transactionem inter fratres Eberstorffios erectam suis Sigillis corroborârunt Anno 1303. (i) Idem Albero à Polenhaim & Alheid sive Adelheidis Uxor ejus Pagum *Wolspasing* à Chalhocho ab Eberstorff pro 300. argenti marcis sub pacto de retrovendendo Anno 1306. acquisiverunt (k) Gundackarus Polheimius citatur in duobus documentis cum genero suo Nidhardo de Sachfengang Anno 1357. (l) Catharina de Eberstorff Weickardi Polheimii Uxor, renuntiat successio-